

**Էլեկտրական էներգիայի մատակարարման  
(Մատակարար-6(10) կՎ և բարձր լարման ցանցերից սնվող Սպառող  
(բացառությամբ՝ բնակչության))**

**Պ Ա Յ Մ Ա Ն Ա Գ Ի Ր N \_\_\_\_\_**

\_\_\_\_\_ «\_\_\_\_» \_\_\_\_\_ 200 թվական  
(կնքման վայրը )

Մատակարարը՝ \_\_\_\_\_  
(ընկերության անվանումը)

\_\_\_\_\_, (մասնաճյուղի անվանումը)

ի  
դեմս \_\_\_\_\_,  
(անունը, ազգանունը, պաշտոնը)

որը գործում է \_\_\_\_\_ հիման  
վրա, (գործունեությունը կարգավորող փաստաթղթի անվանումը)

մի կողմից, և  
Սպառողը՝ \_\_\_\_\_, (ընկերության  
անվանումը)

ի  
դեմս \_\_\_\_\_,  
(անունը, ազգանունը, պաշտոնը)

որը գործում է \_\_\_\_\_ հիման  
վրա,

(գործունեությունը կարգավորող փաստաթղթի անվանումը)

մյուս կողմից, համատեղ կոչվելով Կողմեր, կնքեցին սույն պայմանագիրը հետևյալի մասին.

**1. Պայմանագրի առարկան**

1.1. Սույն պայմանագրի համաձայն Մատակարարը պարտավորվում է Սպառողին մատակարարել էլեկտրական էներգիա, իսկ Սպառողը պարտավորվում է վճարել մատակարարված էլեկտրական էներգիայի դիմաց:

## **2. Կողմերի պարտականությունները**

2.1. Կողմերը պարտավոր են ղեկավարվել «Էներգետիկայի մասին» Հայաստանի Հանրապետության օրենքով, այլ օրենքներով և իրավական ակտերով, Հայաստանի Հանրապետության հանրային ծառայությունները կարգավորող հանձնաժողովի (այսուհետ՝ Հանձնաժողով) 2006 թվականի դեկտեմբերի 27-ի «Էլեկտրական էներգիայի մատակարարման և օգտագործման կանոնները հաստատելու մասին» №358Ն որոշմամբ հաստատված «Էլեկտրական էներգիայի մատակարարման և օգտագործման կանոններով» (այսուհետ՝ ԷՄՕԿ) և սույն պայմանագրով:

2.2. Մատակարարը պարտավոր է.

- 1) մատակարարել Հայաստանի Հանրապետության կառավարության 2004 թվականի դեկտեմբերի 23-ի №1925Ն որոշմամբ հաստատված էլեկտրամագնիսական համատեղելիության վերաբերյալ տեխնիկական կանոնակարգով սահմանված որակի էլեկտրական էներգիա.
- 2) ապահովել էլեկտրական էներգիայի մատակարարումը Սպառողին՝ սույն պայմանագրին կցված էլեկտրամատակարարման սխեմայով նախատեսված հուսալիությամբ.
- 3) մինչև յուրաքանչյուր ամսվա 10-ը Հայաստանի Հանրապետությունում գործող բանկերի, փոստային բաժանմունքների համապատասխան սպասարկման կետերում տեղադրել տեղեկատվություն՝ նախորդ ամսվա ընթացքում Սպառողի կողմից սպառված էլեկտրական էներգիայի քանակի և արժեքի մասին, եթե տեղեկացման այլ կարգ նախատեսված չէ սույն պայմանագրի 9-րդ գլխով.
- 4) Սպառողի դիմելու դեպքում \_\_\_\_\_ հեռախոսահամարով տրամադրել շուրջօրյա տեղեկատվություն կամ պարզաբանում վերջինիս դիմում-բողոքների և հարցադրումների՝ ներառյալ էլեկտրամատակարարման ընդհատումների, դադարեցումների պատճառների և վերականգնման ժամկետների, սպառած էլեկտրական էներգիայի քանակի և արժեքի, վճարման ժամկետների, Մատակարարի և Սպառողի իրավունքների ու պարտականությունների և այլնի վերաբերյալ.

- 5) վճարման փաստաթղթում գրառումների սխալ հայտնաբերելու կամ Սպառողից այդ մասին դիմում ստանալու դեպքում ԷՄՕԿ-ով սահմանված կարգով ստուգել իր գրառումները և արդյունքների մասին գրավոր տեղեկացնել Սպառողին, սխալի առկայության (հաստատման) դեպքում ուղղումը հաշվի առնել ընթացիկ ամսվա համար ներկայացվող վճարման փաստաթղթում.
- 6) Սպառողի պահանջով ԷՄՕԿ-ով սահմանված ժամկետում ստուգել Սպառողի առևտրային հաշվառքի սարքի աշխատանքի ճշտությունը և ներկայացնել դրա աշխատանքի ճշտության մասին գրավոր եզրակացությունը.
- 7) առևտրային հաշվառքի սարքերի աշխատանքի ճշտության ստուգման հետ կապված ծախսերը կատարել իր միջոցներով, բացառությամբ ԷՄՕԿ-ով նախատեսված դեպքերի.
- 8) փոխարինել Սպառողի առևտրային հաշվառքի սարքերը ԷՄՕԿ-ով սահմանված դեպքերում և կարգով, և համապատասխան փոփոխություններ կատարել սույն պայմանագրում (N<sup>1</sup> հավելված).

### 2.3. Սպառողը պարտավոր է.

- 1) վճարել յուրաքանչյուր ամսվա ընթացքում իր սպառած էլեկտրական էներգիայի դիմաց՝ սույն պայմանագրով սահմանված կարգով.
- 2) շահագործել իր էլեկտրատեղակայանքները Հայաստանի Հանրապետության կառավարության 2004 թվականի դեկտեմբերի 23-ի N<sup>1925</sup>Ն որոշմամբ հաստատված էլեկտրամագնիսական համատեղելիության վերաբերյալ տեխնիկական կանոնակարգի պահանջներին համապատասխան:

## 3. Կողմերի օպերատիվ փոխհարաբերությունները

3.1. Կողմերը պարտավոր են ԷՄՕԿ-ով սահմանված կարգով և ժամկետում կնքել Սպառողի սարքավորումների և ռելեական պաշտպանության ու ավտոմատիկայի սարքվածքների Մատակարարի օպերատիվ կառավարմանը հանձնման համաձայնագիր, որը կցվում է սույն պայմանագրին:

3.2. Մատակարարը և Սպառողը պարտավոր են յուրաքանչյուր տարի մինչև դեկտեմբերի 20-ը միմյանց ներկայացնել Մատակարարի և Սպառողի իրավասու անձանց կողմից հաստատված՝

- 1) օպերատիվ խոսակցություններ վարելու իրավունք ունեցող աշխատակիցների ցուցակը.

2) օպերատիվ խոսակցություններ վարելու և փոխանջատումներ կատարելու իրավունք ունեցող օպերատիվ անձնակազմի ցուցակը:

### 3.3. Մատակարարը պարտավոր է.

- 1) իր օպերատիվ ենթակայության ներքո գտնվող Սպառողի սարքավորումների և ռելեական պաշտպանության ու ավտոմատիկայի սարքվածքների օպերատիվ կարգավարումը իրականացնել հիմք ընդունելով այդ սարքավորումների և սարքվածքների տեխնիկական անձնագրով սահմանված հարաչափերը.
- 2) Սպառողի օպերատիվ անձնակազմի պահանջով տրամադրել տեղեկություններ Սպառողի էլեկտրամատակարարման արտաքին սխեմայի և սնող գծերի էլեկտրական հարաչափերի (բեռ, լարում և այլն) վերաբերյալ.

### 3.4. Սպառողը պարտավոր է.

- 1) ապահովել փոխանջատումներ կատարելու իրավունք ունեցող Մատակարարի օպերատիվ անձնակազմի շուրջօրյա անարգել մուտքը իր տնօրինության տակ գտնվող տարածքները՝ իրենց իրավասությունների սահմաններում պարտականությունների կատարման նպատակով.
- 2) անհապաղ հայտնել Մատակարարին նրա օպերատիվ ենթակայության ներքո գտնվող սարքավորումներում և ռելեական պաշտպանության ու ավտոմատիկայի սարքվածքներում ի հայտ եկած բոլոր թերությունների և անսարքությունների մասին \_\_\_\_\_ հեռախոսահամարով:

3.5. Սույն գլխի դրույթները տարածվում են այն Սպառողների վրա, որոնց սարքավորումները և ռելեական պաշտպանության ու ավտոմատիկայի սարքվածքները գտնվում են Մատակարարի օպերատիվ կառավարման և (կամ) վարույթի ներքո:

## **4. Սպառված էլեկտրաէներգիայի քանակության և արժեքի հաշվարկը, դրա վճարման կարգը**

- 4.1. Մատակարարվող էլեկտրական էներգիայի սակագինը սահմանում է Հանձնաժողովը:
- 4.2. Հանձնաժողովի կողմից էլեկտրական էներգիայի սակագնի փոփոխման դեպքում սահմանված նոր սակագինը ուժի մեջ է մտնում Հանձնաժողովի սահմանած ժամկետից:
- 4.3. Սպառված էլեկտրական էներգիայի քանակությունը որոշվում է ԷՄՕԿ-ով սահմանված կարգով:
- 4.4. Առևտրային հաշվիչի ցուցմունքը գրանցում է Մատակարարը՝ տվյալ հաշվարկային ամսվա վերջին և հաջորդ ամսվա առաջին երկու աշխատանքային օրվա ընթացքում:

Եթե սույն պայմանագրի 9-րդ գլխում նախատեսված է առևտրային հաշվիչի ցուցմունքը Սպառողի ներկայությամբ գրանցելու Մատակարարի պարտավորությունը, ապա վերջինս պարտավոր է ԷՄՕԿ-ով սահմանված ժամկետում և կարգով տեղեկացնել Սպառողին առևտրային հաշվիչի ցուցմունքի գրանցման օրվա և ժամի մասին: Սպառողի չներկայանալու դեպքում Մատակարարն իրավունք ունի առևտրային հաշվիչի ցուցմունքը գրանցել առանց Սպառողի:

- 4.5. Հաշվարկային ամսվա ընթացքում Սպառողի կողմից սպառված էլեկտրական էներգիայի արժեքը որոշվում է Հանձնաժողովի կողմից սահմանված սակագների (№3 հավելված) և սպառված էլեկտրական էներգիայի քանակության արտադրյալով:
- 4.6. Սպառողը նախորդ ամսվա ընթացքում սպառված էլեկտրական էներգիայի արժեքը պարտավոր է վճարել իր կողմից սպառված էլեկտրական էներգիայի քանակի և արժեքի մասին համապատասխան տեղեկատվությունը սույն պայմանագրի 2.2 կետի 3-րդ ենթակետով նախատեսված սպասարկման կետերում տեղադրվելուց, իսկ սույն պայմանագրի 9-րդ գլխով տեղեկացման այլ կարգ նախատեսված լինելու դեպքում այդ կարգով տեղեկացվելուց հետո 7 օրվա ընթացքում:

## **5. Սպառողի էլեկտրամատակարարման ընդհատման, դադարեցման և վերականգնման պայմանները**

- 5.1. Մատակարարն պլանային-նախազգուշական աշխատանքներ կատարելու նպատակով իրավունք չունի հոսանքազրկել (իրականացնել պլանային ընդհատում) այն Սպառողներին, որոնց էլեկտրամատակարարումը նախատեսված է իրականացնել 6 (10) կՎ և բարձր լարման 1-ից ավելի առանձին օդային կամ մալուխային գծերով կայանի կամ ենթակայանի երկու հոծանային համակարգերից կամ սեկցիաներից:
- 5.2. Մատակարարը Սպառողի էլեկտրամատակարարման պլանային ընդհատումը պետք է իրականացնի ԷՄՕԿ-ով սահմանված կարգով:
- 5.3. Մատակարարը պարտավոր է դադարեցնել Սպառողի էլեկտրամատակարարումը՝
- 1) Սպառողի գրավոր պահանջով և առաջարկած ժամկետում.
  - 2) մարդկանց կյանքի և առողջության անվտանգությունն ապահովելու համար՝ տեխնիկական կանոնակարգերով սահմանված դեպքերում
  - 3) Հայաստանի Հանրապետության օրենքներով նախատեսված դեպքերում:
- 5.4. Մատակարարն իրավունք ունի դադարեցնել Սպառողի էլեկտրամատակարարումը ԷՄՕԿ-ով սահմանված դեպքերում և կարգով:

- 5.5. Մատակարարը Սպառողի էլեկտրամատակարարման արտապլանային ընդհատման դեպքում պարտավոր է վերականգնել էլեկտրամատակարարումը ԷՄՕԿ-ով սահմանված ժամկետներում, իսկ եթե Սպառողի էլեկտրամատակարարման սխեման ապահովում է էլեկտրամատակարարման վերականգնման ավելի կարճ ժամանակահատված, ապա՝ այդ ժամանակահատվածում, որը Կողմերը պարտավոր են սահմանել սույն պայմանագրի 9-րդ գլխում:
- 5.6. Մատակարարը վերականգնում է Սպառողի էլեկտրամատակարարումը առանց վերջինիս նախազգուշացնելու, բացառությամբ այն դեպքերի երբ նախազգուշացնելու պահանջը սահմանված է սույն պայմանագրի 9-րդ գլխում:

## **6. Կողմերի պատասխանատվությունը**

- 6.1. Սույն պայմանագրով սահմանված պարտավորությունները չկատարելու կամ ոչ պատշաճ կատարելու դեպքում Կողմերը պատասխանատվություն են կրում Հայաստանի Հանրապետության օրենքներով, ԷՄՕԿ-ով և սույն պայմանագրով սահմանված կարգով:
- 6.2. Սույն պայմանագրի 2.2. կետի 1-ին և 2-րդ ենթակետերի խախտման դեպքում Մատակարարը Սպառողին վճարում է տույժ, որի չափը սահմանում են Կողմերը սույն պայմանագրի 9-րդ գլխում:
- 6.3. Սույն պայմանագրի 2.3. կետի 2-րդ ենթակետի խախտման դեպքում Սպառողը Մատակարարին վճարում է տույժ, որի չափը սահմանում են Կողմերը սույն պայմանագրի 9-րդ գլխում:

## **7. Ֆորս մաժորային իրավիճակներ**

- 7.1. Կողմերը սույն պայմանագրով սահմանված պարտականությունների չկատարման կամ ոչ պատշաճ կատարման համար պատասխանատվություն չեն կրում, եթե դա հետևանք է արտակարգ և անկանխելի դեպքերի և հանգամանքների, որոնք ստեղծվել են Կողմերի կամքից անկախ, ներառյալ (սակայն չսահմանափակվելով դրանցով) բնական աղետները, բնության ուժերի արտասովոր դրսևորումները (ինչպես օրինակ, ջրհեղեղները, երկրաշարժերը, փոթորիկները, պտտահողմերը), որոնք խոչընդոտում են Կողմերի գործունեությունը կամ հանգեցնում են նրանց ստանձնած պարտավորության կատարման ձգձգման կամ դադարեցման՝ անկախ նրանց կողմից գործադրված ջանքերի՝ խուսափելու, թուլացնելու կամ վերացնելու այդ ուժերի ազդեցությունը:

7.2. Կողմերը պարտավոր են վերոհիշյալ վիճակների մասին անհապաղ տեղեկացնել միմյանց՝ նշելով դրանց հետևանքների վերացման հնարավոր ժամկետները:

## **8. Լրացուցիչ պայմաններ**

- 8.1. Սպառողը պարտավոր է ենթասպառողի կամ Մատակարարի այլ ցանցերի էլեկտրամատակարարումն ապահովելու համար իր էլեկտրատեղակայանքներով հաղորդել Մատակարարի էլեկտրաէներգիան, իսկ Մատակարարը պարտավոր է փոխհատուցման պայմանագրով սահմանված կարգով վճարել Հանձնաժողովի սահմանած մեթոդիկայով հաշվարկված Սպառողի մատուցած ծառայության վճարը:
- 8.2. Սպառողի էլեկտրատեղակայանքներին միացված ենթասպառողի առևտրային դեպքում սույն պայմանագրի №1 հավելվածում նշվում են ենթասպառողի առևտրային հաշվառքի սարքի վերաբերյալ տվյալները, իսկ №2 հավելվածում՝ ենթասպառողի և Սպառողի էլեկտրատեղակայանքների սահմանազատման կետը:
- 8.3. Սպառողի կողմից առևտրային հաշվառքի սարքը կնքելու դեպքում, այդ մասին սույն պայմանագրի №1 հավելվածում կատարվում է համապատասխան գրառում:
- 8.4. Սպառողի կողմից վերստուգիչ հաշվառքի սարք (հաշվիչ) տեղադրելու դեպքում դրա վերաբերյալ տվյալները նշվում են սույն պայմանագրի №1 հավելվածում:
- 8.5. Վերստուգիչ հաշվառքի սարքի (հաշվիչի) ցուցմունքի գրանցման և էլեկտրական էներգիայի հաշվարկներում կիրառման կարգը սահմանում են Կողմերը սույն պայմանագրի 9-րդ գլխում:
- 8.6. Հայաստանի Հանրապետության տեխնիկական կանոնակարգերով նախատեսված դեպքերում Կողմերը պարտավոր են սույն պայմանագրին կցել անբաժանելի մաս հանդիսացող տեխնոլոգիական և(կամ) վթարային հզորությունների ամրագրման վերաբերյալ ակտ, որը կազմվում է Հայաստանի Հանրապետության էներգետիկայի կարգավորող հանձնաժողովի 2003 թվականի փետրվարի 21-ի №9Ն որոշմամբ հաստատված էլեկտրամատակարարման անխուսափելի սահմանափակումներ պահանջող իրավիճակներում էներգետիկայի բնագավառի լիցենզավորված անձանց կողմից իրականացվելիք գործողությունների ծրագրերի մշակման կարգի համաձայն:
- 8.7. Երբ նվազագույն բեռնվածքի ռեժիմներում տեխնիկապես անհնար է առևտրային հաշվառքի սարքերի բնականոն աշխատանքը, սպառված էլեկտրաէներգիայի քանակությունը հաշվարկվում է նվազագույն բեռնվածքի ամբողջ ժամանակահատվածում փաստացի միացված էլեկտրական ընդունիչների հզորության

հիման վրա և ավելացվում առևտրային հաշվիչի ցուցմունքով հաշվարկված էլեկտրաէներգիայի քանակությանը: Նվազագույն բեռնվածքի ժամանակահատվածի տևողությունը և այդ ժամանակահատվածում միացված գումարային բեռնվածքի մեծությունները, դրանց հաշվարկի կարգի հետ միասին, հավելվում են սույն պայմանագրին և վերանայվում յուրաքանչյուր տարի կամ Կողմերից մեկի գրավոր պահանջով տարվա ընթացքում՝ նվազագույն բեռնվածքի փոփոխման դեպքում:

8.8. Մատակարարը կամ Սպառողը կարող են սահմանազատման կետերում տեղադրել էլեկտրական էներգիայի որակի ցուցանիշները գրանցող և հիշող սարքեր:

8.9. Սույն պայմանագրի 8.8 կետում նախատեսված էլեկտրական էներգիայի որակի ցուցանիշները գրանցող և հիշող սարքեր տեղադրելու դեպքում, Կողմերը այդ մասին կազմում են երկկողմանի ակտ, որն կցվում է սույն պայմանագրին:

### **9.Այլ պայմաններ (լրացնում են Կողմերը)**

9.1. \_\_\_\_\_  
\_\_\_\_\_  
\_\_\_\_\_:

### **10.Վեճերի լուծումը**

10.1. Սույն պայմանագրի առնչությամբ Կողմերի միջև ծագած վեճերը լուծվում են բանակցությունների միջոցով, իսկ Կողմերից մեկի գրավոր դիմումի դեպքում՝ Հանձնաժողովի միջնորդությամբ:

10.2. Սույն պայմանագրի 10.1. կետը չի սահմանափակում Կողմերի իրավունքը՝ վեճերը լուծելու դատական կարգով:

### **11.Պայմանագրի գործողությունը և լուծումը**

11.1. Սույն պայմանագիրն ուժի մեջ է մտնում կնքման պահից և գործում է անորոշ ժամկետով:

11.2. Սույն պայմանագիրը կազմված է երկու օրինակից, մեկական՝ յուրաքանչյուր կողմի համար:

11.3. Հանձնաժողովի կողմից էլեկտրական էներգիայի մատակարարման (Մատակարար-6(10) կՎ և բարձր լարման ցանցերից սնվող Սպառող (բացառությամբ՝ բնակչության)) պայմանագրի նոր օրինակելի ձև հաստատելու կամ գործող օրինակելի ձևում փոփոխություններ կամ լրացումներ կատարելու դեպքում Կողմերը պարտավոր են



Հանձնաժողովի սահմանած ժամկետում կնքել նոր պայմանագիր կամ համապատասխան փոփոխություններ կամ լրացումներ կատարել գործող պայմանագրում:

11.4. Սույն պայմանագիրը կարող է լուծվել Հայաստանի Հանրապետության օրենսդրությամբ սահմանված կարգով:

## **12. Պայմանագրի անբաժանելի մաս կազմող հավելվածների ցանկը**

12.1. Հավելված №1 - Առևտրային հաշվառքի սարքի և առավելագույն թույլատրելի հզորության վերաբերյալ:

12.2. Հավելված №2 - Ակտ Մատակարարի էլեկտրական ցանցի և Սպառողի սպառման համակարգի սահմանազատման կետի և էլեկտրատեղակայանքների շահագործման պատասխանատվության սահմանազատման վերաբերյալ:

12.3. Հավելված №3 - Մատակարարվող էլեկտրական էներգիայի սակագների վերաբերյալ:

Մատակարար՝

Սպառող՝

գտնվելու վայրը \_\_\_\_\_ գտնվելու վայրը \_\_\_\_\_

Հ/Հ \_\_\_\_\_ Հ/Հ \_\_\_\_\_

հեռախոս \_\_\_\_\_ հեռախոս \_\_\_\_\_

էլ. փոստի հասցեն \_\_\_\_\_ էլ. փոստի հասցեն \_\_\_\_\_

Ֆաքս \_\_\_\_\_ Ֆաքս \_\_\_\_\_

գործունեության լիցենզիա №

դեկավար

դեկավար

\_\_\_\_\_  
(ստորագրություն, անուն, ազգանուն)

\_\_\_\_\_  
(ստորագրություն, անուն, ազգանուն)

Կ.Տ.

Կ.Տ.

### Առևտրային հաշվառքի սարքի և առավելագույն թույլատրելի հզորության վերաբերյալ

| Սպառողի<br>(ենթասպա-<br>ռողի)<br>հաշվառքի<br>սարքի<br>տեղա-<br>դրման<br>վայրը | Առևտրային հաշվառքի սարք                                                                |                                    |                                  |                                                                    |                                                                                    |                   |                              |                                                                                    |                   |                              | Առավելա-<br>գույն<br>թույլատրելի<br>էլեկտրա-<br>կան<br>հզորություն<br>/կՎտ/ |
|-------------------------------------------------------------------------------|----------------------------------------------------------------------------------------|------------------------------------|----------------------------------|--------------------------------------------------------------------|------------------------------------------------------------------------------------|-------------------|------------------------------|------------------------------------------------------------------------------------|-------------------|------------------------------|-----------------------------------------------------------------------------|
|                                                                               | Հաշվիչի                                                                                |                                    |                                  |                                                                    | Հոսանքի չափիչ տրանսֆորմատորի                                                       |                   |                              | Լարման չափիչ տրանսֆորմատորի                                                        |                   |                              |                                                                             |
|                                                                               | տեսակը,<br>գործա-<br>րանային<br>համարը,<br>տեղադր-<br>ված<br>կնիքների<br>համարներ<br>ը | թույլատ-<br>րելի<br>հոսանքը<br>(Ա) | անվա-<br>նական<br>լարումը<br>(Վ) | հաջորդ<br>պլանային<br>ստուգա-<br>չափման<br>ամիսը և<br>տարեթիվ<br>ը | տեսակը,<br>գործա-<br>րանային<br>համարը,<br>տեղադր-<br>ված<br>կնիքների<br>համարները | ճշտության<br>դասը | տրանսֆորմացիայի<br>գործակիցը | տեսակը,<br>գործա-<br>րանային<br>համարը,<br>տեղադր-<br>ված<br>կնիքների<br>համարները | ճշտության<br>դասը | տրանսֆորմացիայի<br>գործակիցը |                                                                             |
| 1                                                                             | 2                                                                                      | 3                                  | 4                                | 5                                                                  | 6                                                                                  | 7                 | 8                            | 9                                                                                  | 10                | 11                           | 12                                                                          |
|                                                                               |                                                                                        |                                    |                                  |                                                                    |                                                                                    |                   |                              |                                                                                    |                   |                              |                                                                             |
|                                                                               |                                                                                        |                                    |                                  |                                                                    |                                                                                    |                   |                              |                                                                                    |                   |                              |                                                                             |
|                                                                               |                                                                                        |                                    |                                  |                                                                    |                                                                                    |                   |                              |                                                                                    |                   |                              |                                                                             |
|                                                                               |                                                                                        |                                    |                                  |                                                                    |                                                                                    |                   |                              |                                                                                    |                   |                              |                                                                             |
|                                                                               |                                                                                        |                                    |                                  |                                                                    |                                                                                    |                   |                              |                                                                                    |                   |                              |                                                                             |
|                                                                               |                                                                                        |                                    |                                  |                                                                    |                                                                                    |                   |                              |                                                                                    |                   |                              |                                                                             |

**Մատակարար՝**

**Սպառող՝**

\_\_\_\_\_

(անուն, ազգանուն, պաշտոն)

\_\_\_\_\_

(անուն, ազգանուն, պաշտոն)

\_\_\_\_\_

(ստորագրություն)

\_\_\_\_\_

(ստորագրություն)

Կ.Տ

Կ.Տ

## Ակտ

### Մատակարարի էլեկտրական ցանցի և Սպառողի սպառման համակարգի սահմանազատման կետի և էլեկտրատեղակայանքների շահագործման պատասխանատվության սահմանազատման վերաբերյալ

1. Կողմերի սահմանազատման կետն է՝ \_\_\_\_\_ :
2. Կողմերի \_\_\_\_\_ էլեկտրատեղակայանքների \_\_\_\_\_ շահագործման \_\_\_\_\_ պատասխանատվության  
սահմանազատման կետն է՝ \_\_\_\_\_ :
3. Սպառողի և ենթասպառողի էլեկտրատեղակայանքների սահմանազատման կետն է՝  
\_\_\_\_\_ :

**Մատակարար՝**

**Սպառող՝**

\_\_\_\_\_  
(անուն, ազգանուն, պաշտոն)

\_\_\_\_\_  
(անուն, ազգանուն, պաշտոն)

\_\_\_\_\_  
(ստորագրություն)

\_\_\_\_\_  
(ստորագրություն)

Կ.Տ

Կ.Տ

## Մատակարարվող էլեկտրական էներգիայի սակագների վերաբերյալ

1. Մատակարարվող էլեկտրական էներգիայի սակագինն է՝ \_\_\_\_\_  
դրամ/կՎտժ:

**Մատակարար՝**

\_\_\_\_\_  
(անուն, ազգանուն, պաշտոն)

\_\_\_\_\_  
(ստորագրություն)

Կ.Տ

**Սպառող՝**

\_\_\_\_\_  
(անուն, ազգանուն, պաշտոն)

\_\_\_\_\_  
(ստորագրություն)

Կ.Տ